



Rhannu gwybodaeth gofal iechyd

Gall rhannu gwybodaeth feddygol fod yn fater sensitif a rhaid i chi sicrhau eich bod chi a'ch plentyn yn hapus gyda phwy a sut mae'r wybodaeth hon yn cael ei rhannu. Os nad ydych yn hapus i'ch gwybodaeth gael ei rhannu, mae'n bwysig eich bod yn siarad â'r ysgol i ddod i gytundeb. Fodd bynnag, dylech fod yn ymwybodol y gallai unrhyw gyfyngiadau ar rannu gwybodaeth effeithio ar allu'r ysgol i gefnogi'ch plentyn yn ddiogel.

Wrth ofalu am eich plentyn yn yr ysgol...

Mae'n annerbyniol:

- Atal dysgwyr ag anghenion gofal iechyd rhag mynychu ysgolion, oni bai bod tystiolaeth y byddai'n debygol o achosi niwed i'r plentyn, neu i eraill.
- Ei gwneud yn ofynnol i rieni fynd ar driplau ysgol neu unrhyw weithgareddau oddi ar y safle at ddiben gweinyddu meddyginiaeth neu roi cymorth i'w plentyn, gan gynnwys mynd i'r toiled.
- Atal dysgwyr rhag cyrraedd eu hanadlydd/meddyginiaeth arall
- Atal plant rhag yfed, bwyta neu fynd i'r toiled neu gael egwyl pan fo angen hynny arnynt er mwyn rheoli eu hanghenion gofal iechyd. Ni ddylai ysgolion byth ofyn i ddysgwyr adael yr ystafell ddosbarth neu'r gweithgaredd os oes angen iddo gymryd meddyginiaeth nad yw'n bersonol neu gael bwyd yn unol â'i anghenion iechyd.

Gellir dod o hyd i ganllawiau llawn ar anghenion gofal iechyd yma:
www.learning.gov.wales/resources/browse-all/supporting-learners-with-healthcare-needs

Yng Nghaerdydd, gall ysgolion hefyd gysylltu â'r Tîm Cynhwysiant Anabledd i gael cyngor ar gynnwys dysgwyr ag anghenion Gofal Iechyd. Gall rhieni hefyd gysylltu â'r Tîm os oes ganddynt unrhyw bryderon neu'n dymuno trafod, ond y lle gorau i ddechrau sgwrs am anghenion eich plentyn yw gyda Chydlynnydd ADY yr ysgol

Os oes angen rhagor o wybodaeth arnoch, gallwch gysylltu â'r Tîm Anabledd ar 02920 872 731

Canllaw i

GEFNOGI DYSGWYR AG ANGHENION GOFAL IECHYD MEWN YSGOLION



Mae Awdurdod Lleol Caerdydd yn annog dysgwyr, rhieni, ysgolion a gweithwyr proffesiynol i weithio mewn partneriaeth.

Diben y canllaw hwn

Diben y canllaw hwn yw eich helpu i ddeall a bod yn rhan o'r gwaith o gynllunio a pharatoi'r cymorth y bydd ei angen ar eich plentyn yn yr ysgol i ddiwallu ei anghenion gofal iechyd.

Ar ryw adeg, bydd gan y rhan fwyaf o ddysgwyr angen gofal iechyd byrdymor y gellir ei reoli'n hawdd gan yr ysgol gyda rhai addasiadau a chynllunio ychwanegol. Fodd bynnag, mae nifer bach o ddysgwyr sydd ag angen gofal iechyd sy'n cael effaith hirach ac sy'n gofyn am ragor o gynllunio a chymorth drwy Gynllun Gofal Iechyd Unigol (CGIU). Dylai bodloni'r gofynion y CGIU sicrhau bod gan ddysgwyr ag anghenion gofal iechyd fynediad at addysg lawn sy'n cynnwys mynd ar deithiau a chymryd rhan mewn addysg gorfforol.



Beth yw Cynllun Gofal Iechyd Unigol CGIU?

Dylai Cynllun Gofal Iechyd Unigol (CGIU) nodi'r hyn sydd ei angen i allu cefnogi dysgwr ag anghenion gofal iechyd yn effeithiol tra byddant yn yr ysgol. Ni fydd angen CGIU ar bob plentyn/person ifanc sydd ag angen gofal iechyd. Dylid rhoi CGIU ar waith pan fydd gan ddysgwr anghenion gofal iechyd y mae angen eu cefnogi yn ystod y diwrnod ysgol. Gallai hyn fod yn gefnogaeth/ymyrraeth reolaidd i gynnal cyflwr a/neu pan fo risg uchel y gallai sefyllfa frys ddigwydd.

Dylid ysgrifennu'r CGIU gyda chymorth gweithiwr gofal iechyd proffesiynol os oes angen a gyda'r teulu.

Dylai'r CGIU fod ar gael yn rhwydd i unrhyw un y gallai fod angen iddo gyfeirio ato, wrth gynnal cyfrinachedd a bod yn sensitif i farn y dysgwr.



Cydweithio fel tîm

Yn aml gall cefnogi dysgwyr gyda'u hanghenion gofal iechyd fod mor syml â'u helpu i gymryd cwrs o feddyginiaeth, ond i eraill gall fod yn fwy cymhleth. Mae'n bwysig, ni waeth beth yw'r angen gofal iechyd, fod rhieni, yr ysgol a'r dysgwr yn gweithio fel tîm i gynllunio a pharatoi'r gofal y bydd ei angen ar y dysgwr. Gall y tîm hwn hefyd gynnwys gweithwyr iechyd proffesiynol eraill fel nyrs arbenigol neu bediatregydd.



Beth yw Egwyddorion cydweithio?

- Rhaid i'r dysgwr fod wrth wraidd y broses bob amser wrth wneud penderfyniadau sy'n effeithio arnynt a chynllunio'r gofal y bydd ei angen arnynt yn yr ysgol.
- Dylai ysgolion sicrhau bod eu Polisi Anghenion Gofal Iechyd yn cael ei rannu â theuluoedd a'u bod yn cymryd amser i esbonio'r polisi hwn i chi os oes angen.
- Dylai ysgolion nodi prif bwynt cyswllt y gallwch chi a'ch plentyn ei ddefnyddio i drafod eu hanghenion gofal iechyd a diwygio cynlluniau os oes angen.
- Ni ddylai ysgolion anwybyddu unrhyw farn y rhieni na'r dysgwr, nac unrhyw gyngor gofal iechyd a roddir i'w helpu i ddiwallu anghenion plant/pobl ifanc yn eu hysgol.
- Dylai ysgolion weithio ar y cyd ag unrhyw weithwyr gofal iechyd proffesiynol dan sylw a sicrhau bod niferoedd digonol o staff wedi'u hyfforddi'n briodol i gefnogi dysgwyr ag anghenion gofal iechyd. Os oes angen hyfforddiant i gefnogi'r anghenion gofal iechyd (e.e. tiwbiau bwydo) bydd tîm priodol y GIG yn darparu hyn.

Rhoi meddyginiaeth

Rhaid i rieni ddarparu unrhyw feddyginiaeth a nodir yn y CGIU Rhaid i bob meddyginiaeth a ddarperir:

- Beidio â bod heibio'r dyddiad darford
- Cael ei labelu'n gywir gyda'r label gwreiddiol y fferyllfa ac yn y cynhwysydd gwreiddiol.
- Cynnwys cyfarwyddiadau ar gyfer dos, gweinyddu a storio

Lle bynnag y bo modd, dylid rhoi meddyginiaeth gartref y tu allan i oriau ysgol. Y rhiant sy'n gyfrifol am waredu unrhyw feddyginiaethau diangen. Bydd ysgolion yn anfon unrhyw feddyginiaeth adref sydd heibio'i dyddiad darford neu nad oes ei hangen mwyach.

